

Mazarin  
add.  
65

Le Combat des fueillans




RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
Add.  
65

UNIVERSITY OF N.C. AT CHAPEL HILL



00023014257



1

Supplement N° 65  
863

*vallée*

LE  
COMBAT  
DES  
FVEILLANS.

*204.  
B. 65*

---

M. DC. XLIX



803


THE  
COMBAT  
DES  
FVILLAN

1001  
212

---

M DC XLIX





## LE COMBAT DES FVEILLANS.

**P** Visqu'apresent vn chacun Rhime  
 Bien ou mal, & que l'on Imprime  
 Le mauuais ainsi que le bon  
 Contre Mazarin & Bourbon;  
 ( C'est à dire, Monsieur le Prince  
 Qui ruina nos Prouinces )  
 Je voudroir bien aussi Rhimer,  
 Mais non pas le faire Imprimer :  
 Car des Rhimailles si mal faites  
 Ne vallent pas qu'on les acheptes,  
 Et ce n'est pas contre la Cour  
 Que i'en veux, mon glaive est trop court  
 Pour faire vne telle entreprise,  
 Je veux vous parler d'une Eglise  
 Où se passa ces iours passez  
 Grand conflit pour les Trespassez.

Vous sçavez qu'un soir à sept heures  
 Chacun sortit de sa demeure  
 Pour rendre le dernier deuoir  
 A vn homme dont le pouuoir  
 N'estoit pas peu considerable,  
 Car tousiours chez luy à sa table  
 Il auoit quelques Conseillers  
 Maistres des Comptes Tresoriers,  
 Et viuoit comme vn saint de Rome;  
 En effet c'estoit vn bon homme,  
 Mais la mort qui n'espargne rien  
 Luy fit laisser icy tout son bien.  
 Ainsi tous les amis s'assemblent  
 Dedans la grande salle ensemble  
 ( Je veux dire les Conuiez )  
 Et furent beaucoup ennuyez  
 En attendant Curez & Prestres;

*m. de Guig.*

944.03

M475m

No.

Add. 65



Enfin on les vit tous paroistre ;  
 Ils arriuerent on chantra  
 Deprofundis, on alluma,  
 Puis l'ayant pris on s'achemine  
 Aux Masculins des Fueillantines,  
 Où estoit dedans la Maison  
 Monsieur le Duc de Monbazon,  
 Qui attendoit près de la porte  
 N'ayant pû estre de l'escorte.  
 Cependant les Peres Fueillans  
 Qui ont Arrests & Reglemens  
 Pour empescher Curez & Prestres  
 D'entrer chez eux comme les maistres,  
 S'estoient tous mis dessous le fueil  
 De l'Eglise, attendant le Dueil,  
 Et pour receuoir la harangue  
 De ce bon Curé, dont la langue  
 Iadis le fit faire Curé,  
 Par Maistre Simon, & Messire André,  
 Par Dame Ieanne la Tripiere,  
 Dame Alizon la Harangere,  
 Toinette, Barbe, & Marion;  
 ( Qui donna si bel Orion  
 A vn certain Messire Suisse  
 Qui demeueroit chez cher Epice )  
 Par les vendeurs de poissons  
 Et dont ie ne sçay point les noms ;  
 Mais n'y auoit en leur cabale  
 Que des muettes de la Halle  
 Et qui ont si bien procuré  
 Qu'enfin il y est demeuré.  
 Or reuenons à nostre histoire,  
 Et nous mettons en la memoire  
 Que quand le Conuoy arriua,  
 Contre les Moines se trouua  
 Le Porte-Croix avec vn autre  
 Qui estoit aussi bon Apostre ;



Voulant aller au Benistier,  
Le Prieur, fit lors le portier,  
Les repoussa de bonne sorte  
Et se tint ferme sur la porte  
Disant n'entrez pas plus auant;  
Car nous auons vn Reglement:  
Mais Messire Iean sans responce  
Cria tout haut en fonce, enfonce,  
Ie me moque du Reglement,  
Par courtoisie ou autrement  
nous entrerons dedans l'Eglise:  
Huit ou dix par cette surprise  
Forcent ces bons Religieux  
Qui iusques là baïssoient les yeux;  
Mais à ce coup ils les leuerent,  
Et tout aussi-tost ils fermerent  
La porte qui est au dedans,  
Leur criant sortez de ceans.  
Messire Adrien vn grand Prestre,  
Qui estoit vn peu fou, peut-estre,  
(Car il sentoit bien fort le vin)  
Fut donner dessus le groin  
D'vn pauvre frere qui sans doute  
n'en auoit pas beu vne goutte  
Depuis disner, car ie vis bien  
Qu'en son ventre il n'y auoit rien,  
Ou qu'il n'y auoit pas grand chose;  
Ainsi pour sa foiblesse il n'ose  
Contre vn Prestre se reuanger,  
Ou pour la crainte de pecher  
Il eut crû faire vn sacrilege  
De se battre sans priuilege,  
Messire Oudart fort peu discret  
En surprend vn autre au collet,  
Iurant d'vne voix grosse & forte,  
Si tu n'ouure viste la porte,



Par la mort ie t'étrangleray ;  
 Viue le bon Dieu non feray ,  
 Luy repartit lors le bon Pere ,  
 Qui commēçoit d'estre en collere ,  
 Le colletant fort bien & beau .  
 Là dessus vn frere Chapeau  
 vint avec vn baston de torche  
 Qui l'espousta , & vous le torche  
 En enfant de bonne maison ,  
 Luy criant auez vous raison  
 Si vous me mettez en collere  
 C'est icy vostre heure derniere .  
 Messire Iean avec la Croix  
 Fut en attriquer deux ou trois ;  
 Mais sa fureur fut preuenüe  
 Et sa pauvre Croix fut rompuë .  
 Quand il vit cela de dépit  
 Son raisonnement se perdit ,  
 Il se tourmente , il fait le Diabie ,  
 Il n'a plus rien de raisonnable ,  
 Se fait tenir à deux ou trois ,  
 Se mordans le pource & les doigts :  
 Mais ces bons Peres l'appeserent  
 Et plus de cent fois le baisèrent .  
 Vn Prestre de la Trinité  
 Qui est Normand en verité  
 Ie le connus à sa parole ,  
 Fut saisir vn Moine assez drolle  
 Qu'on nomme Pere Dom Marin ,  
 Criant tu es vn Mazarin ,  
 Faudroit piller ce Monastere ,  
 Ce bon Moine tout en collere  
 De ce qu'on vouloit l'offencer ,  
 Pensa pour lors desesperer  
 Il se depestre de son homme ,  
 Luy donnant vne tarte en pomme



Là dessus le reste s'emut,  
 L'on se frotta tant que l'on put,  
 L'on se donna force gourmandes,  
 L'on fit force rodomontades,  
 Sans respecter ny la maison,  
 Ny Monseigneur de Monbazon  
 Qui fut present à cette affaire,  
 sans que cela fut necessaire.  
 Il eut beu dire arrestez vous,  
 messieurs, au moins respectés nous  
 Saint iour de Dieu & par mô Ordre  
 Vous reparerez ces desordre,  
 Vous apprédrez sur mon honneur  
 A craindre vostre Gouverneur:  
 Mais de tout ce qu'il leur pût dire  
 La pluspart ne s'en fit que rire;  
 Ainsi le combat se passa  
 Sans que pas vn recommença.  
 Les Prestres n'ayant plus d'enuie  
 De recommencer de leur vie  
 Vn conflit si mal à propos,  
 Et trouuant que pour leur repos  
 Il estoit besoin de rerraitte,  
 Se retirerent greque nette,  
 Criant comme desesperéz  
 De voir leur surplis dechirez.  
 Le corps fut porté dans l'Eglise,  
 Chacun s'emeut parle & deuise  
 De cet accident impreueu,  
 Quin'estoit encore connu  
 De personne de l'assemblée,  
 La porte ayant esté fermée  
 Iusques alors que l'on l'ouurit;  
 L'on y faisoit tousiours grád bruit;  
 Mais ce n'estoit rien que canailles.  
 Que menu peuple & que raille



Qui crialloit & qui pestoient  
 Sans sçauoir ce qu'ils demâdoient.  
 Le Curé hors du Monastere  
 Crioitt, se mettoit en collere  
 Contre son mutin de Clergé,  
 D'auoir ainsi fait l'enragé,  
 Protestant que contre son ordre  
 Les prestres auoiét fait ce desordre,  
 Il cria tant qu'il ramassa  
 Son troupeau, & le bruit cessa,  
 Ils s'en allerent dela sorte,  
 Sans qu'aucune croix ils emportét,  
 Et furent contrains cette fois  
 De retourner chez eux sans Croix;  
 Qui est chose extraordinaire.  
 Aussi cela n'arriue guere.  
 Plusieurs vous estoient sans surplis,  
 Et auoient besoin de leurs lits.  
 Bref, en ce combat estrange  
 Il y eut bien de la meslange.  
 Ainsi le Conuoy s'acheua,  
 Puis apres chacun s'en alla,  
 Laisant ce pauvre corps en terre,  
 Qui nous a causé cette guerre,  
 Disons pour luy qui est passé  
 Vn Requiescant in pacé.

A M E N.







